



### Članstvo

Član Društva vakifa i Kluba prijatelja može postati svaki pojedinac, skupina, džemat, udruženje, fizičko i pravno lice koje izrazi želju. Vakifom možete postati lično ili želite uvakufiti dobra kao vid sjećanja na Vaše rahmetlije ili vakufeci za Vaše potomke želite ih potaći na buduće hajrate.

### Pravna lica

Godišnja članarina po izboru kategorije:

- **Kategorija A**, 3.000 KM
- **Kategorija B**, 2.000 KM
- **Kategorija C**, 1.000 KM
- **Kategorija D**, 500 KM

### Fizička lica

- **Kategorija A** (zaposleni): godišnja članarina 100 KM (u BiH); 100 € (za inostranstvo)
- **Kategorija B** (ostali: penzioneri, studenti, učenici, osobe sa invaliditetom, demobilisani borci): godišnja članarina: 50 KM.

### Kako postati član?

Član Društva vakifa i Kluba prijatelja postaje se u dva koraka:

#### 1) Ispunjavanjem i slanjem pristupnice:

- a) poštom na adresu: 88000 Mostar, M.Tita 162, Bosna i Hercegovina
- b) faksom na broj: 036/ 550-921, ili
- c) ispunjavanjem on-line pristupnice ([www.medresamostar.com](http://www.medresamostar.com)).

#### 2) uplatom članarine:

- a) na račun Vakufske banke broj: 160-460-014-601-2150, Primalac Muftijstvo mostarsko, sa naznakom; Za Društvo vakifa ili Klub prijatelja KBM.

Za uplate iz inostranstva: Vakufska banka dd, Sarajevo, BiH, SWIFT Code: VAKUBA 22; Muftijstvo mostarsko, Trg Musala 1, Mostar, BiH; IBAN Code: BA 391606020000058798, sa naznakom; Za Društvo vakifa ili Klub prijatelja KBM, ili

- b) poštom (dostavnicom), ili
- c) direktno u prostorijama Medrese.

Prijemom uplate Vaši podaci se unose u bazu podataka i tada postajete član Društva vakifa i Kluba prijatelja. Članska kartica se dostavlja poštom.

### Povlastice za članove Društva vakifa i Kluba prijatelja Karadžoz-begove medrese

Karadžoz-begova medresa će, cijeneći Vaš doprinos i podršku koju joj pružate, za članove Društva vakifa i Kluba prijatelja obezbijediti poseban status kroz:

- Uvođenje podataka o vakifima i prijateljima u Matične knjige vakifa i prijatelja Medrese,
- Objavljivanje imena članova i njihovog hajrata (po želji) na stranici Medrese,
- Unos imena na ploči vakifa u holu zgrade nove Medrese,
- Organiziranje dana vakifa i prijatelja Medrese,
- Uručivanje vakufnama u saradnji sa Vakufskom direkcijom,
- Pozivnica na svečanosti i programe koje organizuje Karadžoz-begova medresa,
- Pogodnosti prilikom upisa učenika iz porodice vakifa u Medresu,
- Posjete prostorijama KBM,
- Druženje sa profesorima i učenicima KBM,
- Učešće profesora i učenika Medrese u vjerskim svečanostima koje organizuje porodica člana, (vjenčanja, nadjevanja imena, prigodne dove, hatme, jasini, mevludi...),
- Prednost pri dobivanju stipendije za članove porodice...

### Budite dio skupine trajnih dobročinitelja!

Vakuf je tokom povijesti i protokom vremena narastao u instituciju najšireg značaja i značenja u nastojanju da se ideja solidarnosti i međusobnog potpomaganja organizirano primijeni u ljudskoj zajednici.

**Budite i Vi među odabranima koji su zaslužili trajan spomen po učinjenom dobru!**

### Karadžoz-begova medresa Mostar

Tel: 036/550-920

Fax: 036/550-921

Mob: 062 373 999

e-mail: [kbmedresa@bih.net.ba](mailto:kbmedresa@bih.net.ba)

[www.medresamostar.com](http://www.medresamostar.com)

Ul. Maršala Tita 162, 88000 Mostar, Bosna i Hercegovina

Sponzor:  Štamparija  
MOSTAR



Vakufska direkcija Sarajevo  
Muftijstvo mostarsko  
Karadžoz-begova medresa Mostar

*Vas pozivaju*

*Budite i vi vakifi i prijatelji  
Karadžoz-begove medrese*



*Pridružite se akciji*

**“250 vakifa”**

*za novi školski objekat*

*i 250 učenika mostarske medrese*



## O Vakufu i vakifu

Vrhunac islamskog vjerovanja u islamskom učenju predstavlja činjenje dobra. Institucija vakufa zasniva se na tom principu. Prvi čin zvaničnog uvakufljenja među muslimanima u Medini obavljen je od strane hazreti Omera, koji je na prijedlog Allahovog Poslanika a.s. uvakufio posjed, koji je najviše volio odazivajući se Kur'anskom pozivu:

**“Nećete zaslužiti nagradu sve dok ne udijelite dio od onoga što vam je najdraže; a bilo šta vi udjelili Allah će sigurno za to znati.”** (Kur'an)

Uvakufiti znači izuzeti određeni dio pokretne ili nepokretne imovine iz individualnog posjeda i neopozivo ga dati na trajno korištenje u obrazovne, socijalne i druge svrhe. Vakuf, kao darovana imovina u vjerske i dobrotvorne svrhe, zaštićen je od prodaje, otuđenja i svih vidova zloupotrebe. Islamski propisi nalažu iznimno poštivanje volje vakifa, koju iskaže pri činu uvakufljenja.

Vakuf ima, prije svega, vjerski karakter i kao živa institucija pomaže razvoj vjerskog života. Dobrotvori-vakifi, inspirirani kur'anskim ajetima, koji govore o milostinji i praksi Muhammeda a.s. i njegovih ashaba, žele da svojim imetkom doprinose općem dobru, kako bi stekli Allahovu dž.š. milost i na izvjestan način, nastavili živjeti u sjećanju korisnika njihovih dobara i poslije fizičke smrti.

***Kada čovjek umre, sva njegova djelovanja na ovom svijetu prestaju osim u tri slučaja: ako je dao sadaku čija je vrijednost trajna, ako je ostavio naučno djelo ili pomogao razvoj nauke od koje će biti korist ljudima i ako je ostavio dobro odgojeno dijete koje će ga spominjati poslije njegove smrti.*** (Hadis)

Najviše hajrata u historiji muslimana vezano je za instituciju vakufa. Razvitak dobročinstva i ukupni napredak islamskog ummeta bio je vezan za ovu islamsku ustanovu. Napredovanje muslimana na vjerskom, socijalnom, naučnom i mnogim drugim poljima, i danas, uveliko je oslonjen na vakuf.

Za vakife je obećan bereket u preostaloj imovini i velika nagrada na onom svijetu. Čak su i pjesnici kazali da svi ljudi umiru jednom a samo veliki dva puta: prvi put kada presele na Ahiret, a drugi put kada umre njegovo djelo.

**Vakuf ne umire i ime vakifa živi sa tim vakufom, čineći za svoga vakifa hajr.**

### Društvo vakifa Karađoz-begove medrese

Karađoz-begova medresa u Mostaru osnovala je Društvo vakifa i Klub prijatelja, u namjeri da omogući potencijalnim dobročiniteljima izdvajanje dijela njihovih dobara u korist Vakufa Medrese, koji je formiran s ciljem osiguranja trajnih izvora finansijskih i materijalnih sredstava i pružanja podrške Medresi, u obezbjeđivanju adekvatnih uslova za odvijanje odgojno-obrazovnog procesa, realizaciju aktivnosti od hajra i podršku učenicima na putu sticanja znanja.

Status vakifa Karađoz-begove medrese stječe se uvakufljenjem određenih novčanih sredstava ili nekretnina, a prema važećim propisima Vakufske direkcije Islamske zajednice u BiH.

### Kategorije članstva u Društvu vakifa su:

1. **Član Društva** (za darovanja u vrijednosti do 500,00 KM).
2. **Donator** (za uvakufljenja u vrijednosti od 500,00 do 900,00 KM),
3. **Vakif** (za uvakufljenja u vrijednosti od 1.000,00 KM i više)
4. **Vakif muhsin-dobročinitelj** (za uvakufljenja u vrijednosti od 5.000,00 do 10.000,00 KM),
5. **Vakif Karađoz-begove medrese** (za uvakufljenja u vrijednosti od 20.000,00 KM i više).

Za sva novčana uvakufljenja od 1000,00 KM i više, izdaje se vakufnama i ista osoba se tretira kao vakif i upisuje se u knjigu Vakifa.

### Namjena vakufa

Podsticani kur'anskim pozivom na natjecanje u činjenju dobra u nastojanju da se tokom života ostave dobri tragovi u nasljeđe nadolazećim generacijama u amanet, i dobri Bošnjani su predvođeni Gazi Husrev-begom, Karađoz-begom i drugim brojnim vakifima, činom uvakufljenja sticali zasluge za život na vječnom svijetu, kroz rješavanje potreba i problema pojedinaca i zajednice, u kojoj su aktivno doprinosili humanizaciji društva. Činom uvakufljenja imovina ili njezin dio neopozivo se ustupa u korist općeg dobra i ujedno se raspodijela njene koristi povjeravala u unaprijed utvrđene svrhe, dozvoljene islamskim učenjem.

Sredstva uvakufljenja bit će namjenjana prioritarno za radove na završetku novog objekta školske zgrade, opremanje učionica i internata Medrese, obezbjeđenje uslova za optimalan odgojno-obrazovni rad. Vašom izraženom voljom ona se mogu koristiti i za realizaciju određenih projekata, aktivnosti u Medresi ili društvenoj zajednici, podršku učenicima i drugim namjenama, shodno vakifovoj izraženoj volji.

Karađoz-begova medresa se obavezuje da će poštivati vašu volju za namjenu trošenja sredstava.

### Klub prijatelja

Glavna vodilja za formiranje Kluba prijatelja Karađoz-begove medrese jeste kur'anska maksima: **“I pomažite jedni druge u dobru i bogobožnosti!”** Klub prijatelja Karađoz-begove medrese nastoji okupiti sve ljude dobre volje koji žele dati podršku unaprijeđenju rada Karađoz-begove medrese ličnim učešćem, ili putem plaćanja godišnje članarine, pružanja nekih drugih vidova materijalne podrške i projektima i programima od izuzetnog značaja za Medresu i društvo.